

a cura di Salvatore Tola

## Sei lettere

**C**i sono lettori che ci mandano una loro pura e semplice poesia; qualcuno l'accompagna con un messaggio di cortesia e di saluto; ma c'è anche chi si dilunga a scrivere per comunicare impressioni, raccontare di sé, manifestare sentimenti. Così Giuseppe Mocci, che spedendo i suoi versi dal Canada ritorna al tempo dell'ultima guerra, quando ebbe fine per lui lo sfollamento in un piccolo paese: «Mio fratello e io tornammo a Cagliari, la città era distrutta dai bombardamenti aerei, trovammo lavoro in una ditta di costruzioni, con alloggio nel cantiere...». Piera Canu comunica invece di essere tornata in Sardegna, col marito Mario Vargiu, dopo 43 anni di Svizzera, e chiede di poter ricevere ancora il giornale: «Ci ha fatto compagnia per diversi motivi, al suo arrivo a casa era come fare un salto in Sardegna; ci ha reso partecipi dei cambiamenti della nostra terra e così abbiamo potuto mantenere viva la nostra identità». La lettera di Angelo Zanda risale al periodo in cui il giornale non usciva, ed esprime il suo dispiacere: «Mi è mancato l'amico di viaggio... è come se mi si sia bloccato un ingranaggio».

Anche Antonio Demelas scriveva nel periodo in cui le pubblicazioni erano sospese; ma, sicuro della ripresa, chiedeva l'invio del giornale ad un altro emigrato, uno di coloro «che per motivi di lavoro hanno lasciato la Sardegna ma sono sempre orgogliosi e ansiosi di ricevere notizie dalla nostra bella isola». Anche Rimedia Lai è tornata col marito Umberto Carta al paese d'origine, Fordongianus, dopo molti anni di Germania. Il suo desiderio è di far conoscere la figura dell'improvvisatore Giovannino Fadda, scomparso nel 1981; e di far arrivare al figlio, che vive in Canada con la famiglia, la poesia che il poeta gli dedicò il giorno del matrimonio. Infine Salvatore Soro, che scriveva dalla Francia, nel novembre del 2005, in una lingua mista di più lingue: «Mia cara Sardegna que amo tanto, mais avant de quitter ce monde je voudrai vous souhaiter bonne fête de fin année, feliz año nuevo y buen trabajo». Alle poesie inviate da questi amici ne aggiungiamo altre, tutte in tema di poeti di un tempo e poesia improvvisata; e cogliamo l'occasione per trasmettere il messaggio di Pietro Cosseddu, che coordina l'Associazione culturale "Poetas de Gara". Il sodalizio, cui si può iscrivere chiunque, si propone per l'esecuzione di gare poetiche in limba; questo l'indirizzo: via Torres 27, 08100 Nuoro, tel. 0784.34754.

### “Forza Cagliari” dal Canada

Dal Municipio di travertino dorato partendo per il mondo ti ho salutato, il panorama della città ho riammirato, dal terrapieno, al Buon Cammino passeggiando.

Nel rione San Giovanni a lungo ho camminato, dove i natali questa città mi ha dato: in questo vicolo giocavo da bambino, appena frequentavo l'asilo.

La tua bellezza è unica nel mondo, con la Punta Sant'Elia, il Poetto e il porto, è la città di un popolo laborioso. Gridando “Forza Cagliari” dimentico ogni cosa.

Giuseppe Mocci

### Vint'annos de Su gruppu folk de Su Burgu

Cant'er bella sa luna custu sero, si l'abbaido m'inspirada a cantare, e lu fatto ca bos cherzo presentare sos primos ballerinos de Su Burgu chi dae vint'annos ballana su ballu tundu dae una parte a s'attera 'e su mundu. In dogni palcu arziana s'insigna cun profumos e colores de Sardigna, giovanos bellos de rara simpatia nor li manca s'umore e s'allegria, a publicu ofrini una sera ballos e sonoso de Sa Costera.

Pietrina Vargiu Canu

### Tristesza

Aspettende seu s'amigu “Messaggèri”, su videli cumpagnu de sa vida, chi dogna mesi mi portat consolu, tandu m'è trascinandu de scida in scida.

S'amigu perdiu lassat troppu dolu cand'est istau de bona cumpangia, si torrat issu non m'intendu solu, è sempri ben'intrau in domu mia.

Deu t'abetu, si ses ancora in vida, non emm'a bolli chi siasta mancau, poita grandu aggiudu has procurau a chini for"e domu fu' costrintu.

Angelo Zanda

### Armas pianas de rugine

Testone ses testardu, ses testugine, non portas alas e bolu cheres isterrer, sas armas tuas pianas de rugine non faghen a punghen ne a ferrer. Torlonia a' siccadu su lagu de Fugine, eo a siccare a tie dio a cherrer. Torlonia at ispesu pro su lagu eo a siccare a tie ispendo pagu.

Pitanu Moretti

### Unu raju de fogu ardente

Pitanu, ses unu raju de fogu ardente chi siccas ogni riu, ogni canale; prite mi trattas de su Continente, de sa terra romana imperiale, si siccas unu lagu putzolente no siccas una vena naturale, ca sa vena de Testone est unu Po, ispendes e no la siccas no.

Barore Testoni

(Ottave inviate da Antonio Demelas)

### Sa menzus richesa

Cantu deo bos chelzo augurare bos siat in favore dogni Santu, bos chelzo deo augurare tantu dogni Santu bos siat in favore; si mantenzat s'afetu ei s'amore a tota vida cun bona fortuna. Mai apedas discordia peruna: chi Deus cuncedire potat gai: apende felicissimu avvenire, pro dogni ofesa sa misericordia. Mai apedas peruna discordia chi Deus potat cuncedire gai: discordia peruna apedas mai Deu gai bos potat cuncedire: apende felicissimu avvenire e sa misericordia a dogni ofesa ca s'unione est sa menzus richesa, de su coro sa consolazione. Est sa menzus richesa s'unione sa consolazione de su coro chi no la pagat nessunu tesoro e de s'umanidade sa guida.

Juanninu Fadda  
(Inviata da Rimedia Lai)

### Su sette

Su mundu at sette prodiggios mazores e sette sun sas bolges infernales, s'arcubalenu est de sette colores e sette sun sos vitzios capitales; Santa Maria de sos sette dolores e Bustianu cun sette pugnales des'Ispiridu Santu mandamentos e sette puru sun sos Sacramentos.

Barore Tuconi

### Canta pius profundu

A Roma faghene sa birra Peroni e a Milanu su Vernetta Branca, in Gaeta sa bruvera bianca, su Bancu Minerale a Monteponi, po superare sa braga de Tuconi tzertu a Remundu no li treme' s'anca, e si podes cantare pius profundu chi sa risposta ti torrat Remundu.

Remundu Piras

(Ottave inviate da Salvatore Soro)

### Sa cantone de sas elvas

A bidere su laolzu so andadu, su chi appo postu in 'Adu 'e Usa de cantu m'at cuntentiu e allegradu de trigu no bi nd'at una pubusa. Maniales m'aio faeddadu e de bi jigher una 'etza tusa, su laolzu 'e Usa si fentoma' chi no bi nd'ap'a fagher una soma.

In su laolzu remediu no b'ada chi fit s'ispantu 'e ogni messaju, tottu sas elvas bi sunu nadas e tottu nadas in su mese 'e maju. A fagher contu 'inari no b'ada, a l'isalgare bi cheretaju. Si appere su 'inari 'e su duca de l'isalgare non di esso mai.

Tottu este fenalza e cucca cucca, sorighina, iscioccoro e papai, trovulzu, mole mole e armuranta, barditzu cun coa 'e matzone, basaloru, lolzu e usciareu, elva puddina, cunnu rassu e baldureu, prammutza, nughe nughe e cagarantu, lattaredda, pabanzolu e pane santu...

Nicola Pintus  
(Inviata da Mario Puliga)

### Su carru

Sanu su carru passat in totue, tottas bonas sun pro isse sas vias, invecas automobiles, ferruvias cand'iscontrana inoghe, cando incue; bolat su dirigibile che nue ma s'isfasciat in terra medas bias: e daghi s'iscolat in sa ruttura mala giamat su carru e nde l'attit a pala!

Antoni Cubeddu  
(Inviata da Edoardo Turnu)

### Su carru

Su carru a sos tempos chi sun oe non solu chi est de tottu fora 'e moda, ma in pianu asfaltu est una roda difettosa o si colcat unu boe: partis sas deghe e giompes sas noe s'in camminu non perdes calchi doda, gai t'est notte e sa die isprecada pro fagher pagos metros de istrada!

Edoardo Turnu

### Natale in trincea

Custa notte in trincea in mesu a bentu e nie mi est bennida s'idea, chelzo cantare a tie,

a tie ch'in su partire mi as nadu: «O fizu meu po cantu est mannu Deu sa patria non traire».

E deo, mama adorada! totu supporto ogni ora e do sa vida ancora pro sa patria amada.

Mama! sonniu ideale in custu notte bella, mi apparis che un'istella lughida de Nadale,

e illuminas sa die e bido s'apostu ue b'est su naschimentu, e tue affaccu a mie

cun ojos de consolu chi no mi lassan solu, dendemi minoreddos basos e pitigheddos...

Pompeo Calvia

(Inviata da Pasquale Corrias)

### Sos palcos boidos

Remundu, de sa tumba pesadinde e de sa bara aberi sa porta, sos palcos sun boidos sufrinde prite sa poesia si ch'est morta.

Est tottu sa Sardigna pianghinde, non bi ses tue che atera 'orta, cand'in su parcu fisi difendinde su tema sorteggiadu a rima isorta.

Remundu Piras meritos a tie pro tanta simpatia e sustantzia, ca fis in parcu mare sentza fundu;

sa zente ti at presente notte e die, però es tottu vana s'isperantzia, Remundu Piras non b'est su segundu.

De te restat eterna sa memoria iscritta in sos albos de s'istoria.

Bore Dente